



08. marts 2012

UPA 2012/62

Inatsisartut Suleriaasianni § 36 naapertorlugu apeqquteqaat aallaavigalugu oqallitto-qarnissaa-nik imaattumik siunnersuuteqarpunga:

**Inunnut allamik siunertaqaratik ujaqqanik pinnerasaasiassanik annikitsuinnarmik nioqqutissiorniartutik pinngortitami ujarattarniartunut annikitsumik aatsitassarsiornermut killigeqqusap eqaannerusunngortinnissaata oqallisiginissaa siunnerfigalugu Aatsitassanut ikummatissanullu inatsisip kapitaliata 8-p § 45-llu oqallisiginissaat pillugit apeqquteqaat aallaavigalugu oqallittoqarnissaanik siunnersuut.** (Inatsisartunut ilaasortaq, Naaja Nathanielsen, Inuit Ataqatigiit)

### **Tungavilersuut:**

Erseqqippoq inuiatigiittut ataatsimoortumik pisuussutitta atornissaannut erseqqilluinnartunik sinaakkutissanik killissaqartitaasariaqaratta. Aammali qulakkeertariaqarpoq innuttatsinnut assersuutigalugu ujaqqanik pinnerfaatissanik maanimiunut takornarissanullu tunisinissamik periarfissat sualuttumik ajornartunngortissannginnatsigit.

Kissaatigaara ajornannginner-soq inunnut annikitsumik ingerlatsisutut naatsorsuunneqartunut sualunngitsumik killissat qanoq katersisinnaatiginermik nioqquteqarsinnaatiginermillu aamma nakkutiginneriaatsit suut atortariaqassanersut, inatsisiliuussinikkut aammalu qinnuteqarnermi pappialarsorneq eqaannerusunngorlugu qanoq periarfissinneqarsinnaanersut imaluunniit ujaqqat pinner-saasiassat namminneq katersukkatik suliatillu amerlanngitsunik aningaasatigut isertit-sissutigisinnaaneraat oqaallisigineqartariaqartoq.